



Inatsisartunut ilaasortaq Kristian Jeremiassen, Siumut
Inatsisartut
-/MAANI

Saarullinnut qaleralinnullu aalisarsinnaanermut akuersissutit pillugit § 37-imi apeqqut nr. 2013-213-imut akissuteqaat

01-11-2013

Suliap normua. 2013-080840
Dok. nr. 1374582

Inatsisartut Suleriaasianni § 37, imm. 1 naapertorlugu sinerissamut qanittumi saarullinniarluni qaleralinniarlunilu aalisarnermi aalisarsinnaanermut akuersissutit tunniunneqartarnerat pillugit apeqquteqarsimavutit. Apeqqutit uannut akisassanngorlugit innersuutigineqarsimapput.

Postboks 269

3900 Nuuk

Oqa. (+299) 34 50 00

Allak (+299) 34 63 55

E-mail: apnn@nanoq.gl

www.naalakkersuisut.gl

Apeqqutit:

1. Sooruna qaleralinnut saarullinnullu akuersissutinik tunniussiniartarnej taama arriitsigisoq?
2. Naalakkersuisut nutaat atuutilerneriniik qaleralinnut saarullinnullu akuersissutinik nutaanik qassinik tunniussisoqarsimava?
3. Inuusuttut qassit akuersissutinik nutaanik saarullinnut qaleralinnullu itigartinneqarsimappat?

Akissutit:

1-imut: Innuttaasup kissaatigippagu sinerissamut qanittumi saarullinniarluni qaleralinniarlunilu aalisarnermut aalisarsinnaanermut akuersissummik qinnuteqarniarluni pineqartoq siullermik kommunimut saaffiginnaasaaq. Tassani kommunimi inuusutissarsiornermut siunnersorti suleqatigalugu qinnuteqarnissamut immersugassamik immersuissaaq. Tamatuma kingorna qinnuteqarnissamut immersugassaaq CPR-nalunaarsuiffimmut kiisalu Akileraartarnikkut oqartussaasunut nassiuunneqassaaq, taakkulu uppernarsassavaat, qinnuteqaatikku paasissutissat saqqumiunneqartut eqqortuunersut. Kiisalu qinnuteqarnissamut immersugassaaq Aalisarnermut, Piniarnermut Nunalerinermullu Naalakkersuisoqarfimmut inaarutaasumik suliap suliarineqarnissaanut nassiuunneqassalluni. Naalakkersuisoqarfimmit qinnuteqaatip tiguneraniit nalinginnaasumik ullut suliffiusartut pingasut missaat ingerlaqqaartarput, qinnuteqaateqartumut akissuteqaammik nassiuussisoqannginnerani. Piffissarli sivilisungaatartarput ingerlaqqaarsimasinnaasarpooq qinnuteqaatip Aalisarmut, Piniarnermut Nunalerinermullu Naalakkersuisoqarfimmut apuunniarnerani, tamannarpiarlupissutaasarpooq innuttaasut ilaannut piffissap sivilisuup ingerlaqqaartarneranik misigisarnerinut qinnuteqaamminnut inaarutaasumik akissutisinissaminnut.

2-mut: Ilisimatinneqarsimavunga, piffissami 5. april 2012-imiit 25. oktober 2013-imut sinerissamut qanittumi saarullinniarluni aalisarsinnaanermut akuersissutinik 413-inik aamma sinerissamut qanittumi qaleralinniarluni aalisarsinnaanermut akuersissutinik 154-inik tunniussisoqarsimasooq. Taakkunanga 180-it, siusinnerusukku saarullinniarluni aalisarsinnaanermut akuersissuteqarsimangillat 71-illu siusinnerusukku qaleralinniarluni aalisarsinnaanermut akuersissuteqarsimanatik.

3-mut: 5. april 2013-imiilli sinerissamut qanittumi saarullinniarsinnaanermut qinnuteqaatinut 4-nut kiisalu sinerissamut qanittumi qaleralinniarniarluni qinnuteqaatinut 29-inut, inuusuttunut 25-it inorlugit ukiulinnut, itigartitsisoqarsimavoq.

Inussiarnersumik inuulluaqqusillunga

Karl Lyberth